



FARG‘ONA VILOYATI O‘ZBEKISTON TUMANI HOKIMINING QARORI

2024 - yil 22 - yanvar

15-11-161-Q/24

O‘zbekiston tuman hokimligi

O‘zbekiston tumanida 2024 yilda transport vositalarini majburiy texnik ko‘rikdan o‘tkazish to‘g‘risida

O‘zbekiston Respublikasining “Yo‘l harakati xavfsizligi to‘g‘risida”gi Qonunining 17-moddasi (*O‘zbekiston Respublikasi qonun hujjatlari to‘plami, 2013 y., 15-son, 197-modda; 2015 y., 52-son, 645-modda; Qonunchilik ma‘lumotlari milliy bazasi, 21.04.2021 y., 03/21/683/0375-son*), O‘zbekiston Respublikasi Vazirlar Mahkamasining 2021 yil 9-martdagi 125-sonli qarori bilan tasdiqlangan “Transport vositalarini majburiy texnik ko‘rikdan o‘tkazish tartibi to‘g‘risida”gi Nizom (*Qonun hujjatlari ma‘lumotlari milliy bazasi, 10.03.2021 y., 09/21/125/0195-son*)ga, O‘zbekiston tuman IIB boshlig‘i S.Abdullayevning 2023 yil 13-dekabr kungi 51/7968-sonli aloqa xatiga muvofiq transport vositalarining 2024 yilda majburiy texnik ko‘rigini tashkil qilish maqsadida,

QAROR QILAMAN:

1. Tuman hududidagi mulkchilik shaklidan qat‘iy nazar yuridik va jismoniy shaxslarga tegishli bo‘lgan transport vositalari majburiy texnik ko‘rikdan o‘tkazilsin.

2. Tumanda transport vositalarini majburiy texnik ko‘rikdan o‘tkazish bo‘yicha tuman komissiyasi tarkibi 1-ilovaga,

tumandagi yuridik shaxslarga tegishli bo‘lgan transport vositalarining 2024 yilgi majburiy texnik ko‘rikdan o‘tkazish jadvali 2-ilovaga,

O‘zbekiston tuman hududida 2024 yil mavjud avtomototransport vositalarini majburiy texnik ko‘rikdan o‘tkazilishi lozim bo‘lgan transport vositalari soni haqida ma‘lumot 3-ilovaga muvofiq tasdiqlansin.

3. Transport vositalari quyidagi davriylikka muvofiq texnik ko‘rikdan o‘tkaziladi:

a) tijorat asosida yo‘lovchilar tashish faoliyati bilan shug‘ullanuvchi yengil avtomobillar, avtobuslar, trolleybuslar, tramvaylar va o‘rindiqlar soni 8 ta va undan ortiq bo‘lgan (haydovchining o‘rnidan tashqari), odamlarni muntazam tashish uchun jihozlangan yuk avtomobillari, yirik gabaritli, og‘ir vaznli va xavfli yuklarni tashish uchun maxsus transport vositalari va ularning tirkamalari — bir yilda ikki marta;

b) ishlab chiqarilganiga olti yildan ko‘p bo‘lmagan yuridik shaxslarga tegishli transport vositalari (mazkur bandning «a» kichik bandida ko‘rsatilgan transport vositalaridan tashqari), shuningdek, ishlab chiqarilganiga o‘n bir yildan o‘n to‘rt yilgacha (o‘n to‘rtinchi yili ham) bo‘lgan jismoniy shaxslarga tegishli M1 toifadagi transport vositalari (mazkur bandning «a» kichik bandida ko‘rsatilgan transport vositalaridan tashqari) — ikki yilda bir marta;

v) ishlab chiqarilganiga olti yildan ortiq bo‘lgan yuridik shaxslarga tegishli transport

vositalari, ishlab chiqarilgan vaqti aniq bo'lmagan transport vositalari (mazkur bandning «a» kichik bandida ko'rsatilgan transport vositalaridan tashqari), shuningdek, ishlab chiqarilganiga o'n besh yil va undan ortiq bo'lgan jismoniy shaxslarga tegishli M1 toifadagi transport vositalari (mazkur bandning «a» kichik bandida ko'rsatilgan transport vositalaridan tashqari) — bir yilda bir marta;

g) tirkamalar texnik ko'rikka transport vositasi — shatakchi uchun belgilangan muddatlarda.

Ishlab chiqarilganiga o'n yilgacha (o'ninchi yili ham) bo'lgan jismoniy shaxslarga tegishli M1 toifadagi transport vositalari (mazkur bandning «a» kichik bandida ko'rsatilgan transport vositalaridan tashqari) texnik ko'rikdan ixtiyoriy ravishda o'tkaziladi.

4. Mazkur qarorning 3-bandi ikkinchi xatboshisida ko'rsatilgan transport vositalarining texnik ko'rigi:

birinchi marta - 1 mart - 30 iyunda;

ikkinchi marta - **1 sentyabr - 31 oktyabrda** o'tkaziladi.

Jismoniy va yuridik shaxslarga tegishli boshqa transport vositalarining texnik ko'rigi **1 yanvar - 31 dekabrda** o'tkaziladi.

5. Transport vositalarini majburiy texnik ko'rikdan o'tkazish tuman komissiyasi rahbariga transport vositalarining texnik ko'rikdan o'tkazishda:

transport vositasini ro'yxatdan o'tkazish to'g'risidagi guvohnomada (texnik pasportda, texnik talonda) ko'rsatilgan ma'lumotlarga transport vositasi turi, markasi, modeli, davlat ro'yxatidan o'tkazish raqami belgilari, shassi (rama), kuzov va dvigatelning identifikatsiyalash raqamlarining muvofiqligi;

transport vositasining texnik holati va jihozlari texnik reglamentlar, standartlar talablariga, yo'l harakati xavfsizligi qoidalari va normalariga muvofiqligi;

maxsus va tezkor xizmatlarning transport vositalarida maxsus rangli va ovozli signallar qurilmalarining mavjudligi, sozligi va qonuniyligi, shuningdek, transport vositasining rang-grafik bo'yash sxemalarining texnik reglamentlar yoki standartlar talablariga muvofiqligi;

gaz yonilg'isida ishlash uchun qayta jihozlangan transport vositalarini texnik ko'rikdan o'tkazishda gaz ballonlarining foydalanish muddati, ishlab chiqarilgan yili, zavod raqami, gaz ballonlarini sinovdan o'tkazish muddatlari, gaz balloni anjomlarining belgilangan talablarga muvofiqligini tekshirilishini ta'minlasin.

6. Transport vositalarining majburiy texnik ko'rigi DYHXX organlari hamda tadbirkorlik sub'ektlari - yuridik shaxslar tomonidan Nizomga muvofiq o'tkaziladi hamda tegishli yig'im undiriladi.

Transport vositalarining texnik holati va uskunalarning muvofiqligini baholash uchun DYHXX organlari tomonidan vazirliklar, idoralar va boshqa tashkilotlarning texnika bazalari, shuningdek, xususiy texnik xizmat ko'rsatish stansiyalari shartnoma asosida jalb etilishi mumkin.

Jismoniy shaxslarga tegishli bo'lgan M1 toifadagi transport vositalari faqat tadbirkorlik sub'ektlari tomonidan texnik ko'rikdan o'tkaziladi.

7. Tumandagi barcha transport vositalari egalari bo'lgan yuridik va jismoniy shaxslarga texnik ko'rikdan o'tkazish jadvali asosida transport vositalarini texnik jihatdan sozligini o'z vaqtida texnik ko'rikdan o'tkazish majburiyati yuklatilsin.

8. Vazirlar Mahkamasining 2021 yil 9-martdagi 125-son "Transport vositalarini majburiy

texnik ko‘rikdan o‘tkazish tartibi to‘g‘risida nizomni tasdiqlash to‘g‘risida”gi qarori 3-bandiga ko‘ra O‘zbekiston Respublikasi Milliy gvardiyasi, Mudofaa vazirligi, Ichki ishlar vazirligi va Davlat xavfsizlik xizmati harbiy bo‘linmalarining transport vositalari mazkur idoralar tomonidan belgilangan tartibda majburiy texnik ko‘rikdan o‘tkazilishi inobatga olinsin.

9. Mazkur qaror “Yaypan ovozi” gazetasining navbatdagi sonida e’lon qilinsin va hokimlikning rasmiy veb-saytiga joylashtirilsin.

10. Ushbu qaror rasman e’lon qilingan kundan e’tiboran kuchga kiradi.

11. Mazkur qaror qabul qilinib tegishli tartibda kuchga kirgan kundan tuman hokimining 2023-yil 5-yanvar kungi 1-11-161-Q/23-sonli qarori o‘z kuchini yo‘qotgan deb hisoblansin.

12. Mazkur qaror ijrosini nazorat qilish tuman hokimining o‘rinbosari Sh. Ismoilov zimmasiga yuklatilsin.

Tuman hokimi



Ш.Юлдашев

O‘zbekiston tuman hokimining
2024-yil 22-yanvardagi
15-11-161-Q/24-son qaroriga
1-ilova

**O‘zbekiston tumanida 2024 yilda transport vositalarini majburiy texnik ko‘rigini
o‘tkazishni tashkil etuvchi komissiya**

T A R K I B I.

Komissiya raisi:

1.D.Abduraxmonov - O‘zbekiston tumani IIB YXXG kata inspektori leytenant

A`zolar:

2.M.yulchieva - “Avtomotoxavaskorlar” jamiyati raisi

3. I.Xo‘jayev – Tuman mudofa bo‘limi mutaxassisi

4.A.Nazirov - “M.K.Vatanparvar” O‘STK raxbari

5.M.Karimov – “Avtoxamkor Yaypan” MCHJ raxbari

O'zbekiston tuman hokimining
2024-yil 22-yanvardagi
15-11-161-Q/24-son qaroriga
2-ilova

O'zbekiston tumanidagi jismoniy va yuridik shaxslarga tegishli bo'lgan transport vositalarining 2024 yilgi majburiy texnik ko'rigini o'tkazish

J A D V A L I

| № | Korxonona va tashkilotlar nomi | Texnik ko'rikdan o'tkaziladigan sana | Texnik ko'ridan o'tkaziladigan joy |
|----------|---------------------------------------|---|---|
| 1 | "O'zbekneftgaz" | 03.03.2024 | O'zbekneftgaz |
| 2 | "O'zbekiston aloqa info" | 04.03.2024 | O'zbekiston aloqa info |
| 3 | "Tibbiyot birlashmasi" | 06.03.2024 | YHXG |
| 4 | "Qishloq va suv xo'jaligi" | 07.03.2024 | YHXG |
| 5 | "O'z agro servis" | 09.03.2024 | YHXG |
| 6 | "Qo'qon-Yaypan-Farg'ona" MChJ | 10.03.2024 | Qo'qon-Yaypan-Farg'ona MChJ |
| 7 | "Sekond Lider Taksi" MChJ | 11.03.2024 | YHXG |
| 8 | "Gold Mega Taksi" MChJ | 13.03.2024 | YHXG |
| 9 | "Impala Alfa Trans" MChJ | 14.03.2024 | Impala Alfa Trans MChJ |
| 10 | "Avtaxamkor Yaypan" MChJ | 15.03.2024 | YHXG |
| 11 | "Jakob Prifir" MChJ | 16.03.2024 | Jakob Prifir MChJ |
| 12 | "Xushnudbek Ishonch" MChJ | 17.03.2024 | Xushnudbek Ishonch MChJ |
| 13 | "Forus Kapital Invest" MChJ | 18.03.2024 | Forus Kapital Invest MChJ |
| 14 | "Yaypan Tarraqiyot Invest" MChJ | 20.03.2024 | Yaypan Tarraqiyot Invest MChJ |
| 15 | "Yaypan Qurilish Inves"t MChJ | 24.03.2024 | Yaypan Qurilish Invest MChJ |
| 16 | "Fergana Kattle Reysir" MChJ | 25.03.2024 | Fergana Kattle Reysir MChJ |
| 17 | "Ovchi Avtotrans" MChJ | 27.03.2024 | YHXG |
| 18 | "Tadbirkor" fermer xo'jaligi | 28.03.2024 | YHXG |
| 19 | "Shiddat" xususiy korxonasi | 29.03.2024 | YHXG |
| 20 | "Begali Farm" xususiy korxonasi | 30.03.2024 | Begali Farm xususiy korxonasi |
| 21 | "Xumoyun Group" MChJ | 31.03.2024 | Xumoyun Group MChJ |
| 22 | "Bandlikka ko'maklashishi markazi" | 01.04.2024 | YHXG |
| 23 | "G'iyosiddin Muxammadjon" MChJ | 03.04.2024 | YHXG |
| 24 | "Tilovatxon Bo'ston fermer" xo'jaligi | 04.04.2024 | YHXG |
| 25 | "Gloriya Invest Tekst" MChJ | 05.04.2024 | YHXG |
| 26 | "Universal savdo saxovati" MChJ | 06.04.2024 | Universal savdo saxovati MChJ |
| 27 | "Marvarid vodiy durdonasi" xo'jaligi | 07.04.2024 | Marvarid vodiy durdonasi xo'jaligi |
| 28 | "Imkon Gip"s xususiy korxonasi | 08.04.2024 | YHXG |
| 29 | "Aziz Alrashid" xususiy korxonasi | 10.04.2024 | YHXG |
| 30 | "Kimsanobod" fermer xo'jaligi | 11.04.2024 | YHXG |
| 31 | "Eko Top biznes" MChJ | 12.04.2024 | YHXG |
| 32 | "Sho'rsuv Mobil xususiy" korxonasi | 13.04.2024 | YHXG |
| 33 | "Sardor Sibel" MChJ | 14.04.2024 | YHXG |

| | | | |
|----|--|------------|--|
| 34 | "Sho'rsuv Invest" MChJ | 15.04.2024 | YHXG |
| 35 | "Yaypan Bo'ston Sobirjon" fermer xo'jaligi | 18.04.2024 | Yaypan Bo'ston Sobirjon fermer xo'jaligi |
| 36 | "San Media Mobil" xususiy korxonasi | 19.04.2024 | San Media Mobil xususiy korxonasi |
| 37 | "Saxovat Pasha Muxiddin" | 20.04.2024 | Saxovat Pasha Muxiddin |
| 38 | "Maydalash Saralash" xususiy korxonasi | 21.04.2024 | YHXG |
| 39 | "Daza Foods" MChJ | 22.04.2024 | YHXG |
| 40 | "To'raqosimboy Yaypan" xususiy korxonasi | 24.04.2024 | YHXG |
| 41 | "Sho'rsuv sement" MChJ | 25.04.2024 | YHXG |
| 42 | "Turon eko Sement" MChJ | 26.04.2024 | YHXG |
| 43 | "Umidbek Qobilbek Fayz" MChJ | 27.04.2024 | Umidbek Qobilbek Fayz MChJ |
| 44 | "Konizar Qurilish savdo" MChJ | 28.04.2024 | Konizar Qurilish savdo MChJ |
| 45 | "Izzat Yayponiy" nomli bog'dorchilik | 29.04.2024 | YHXG |
| 46 | "Xondamir" savdo MChJ | 01.05.2024 | YHXG |
| 47 | "Xursand Sadosi" dexqon xo'jaligi | 02.05.2024 | YHXG |
| 48 | "Sho'rsuv G'isht zavodi" MChJ | 03.05.2024 | YHXG |
| 49 | "Fayz Temir Beton servis" MChJ | 04.05.2024 | YHXG |
| 50 | "Yaypan Regal Mebel" | 05.05.2024 | YHXG |
| 51 | 24-Avtokorxonona | 06.05.2024 | 24-Avtokorxonona |
| 52 | "559-XMKK" MChJ | 08.05.2024 | 559-XMKK MChJ |
| 53 | "Al Aziz Polimir" | 09.05.2024 | Al Aziz Polimir |
| 54 | "Diyorbek Gulnozxon" dexqon xo'jaligi | 10.05.2024 | Diyorbek Gulnozxon dexqon xo'jaligi |
| 55 | "Gold Gips Kard" MChJ | 11.05.2024 | Gold Gips Kard MChJ |
| 56 | "Ili do'st gaz" MChJ | 12.05.2024 | Ili do'st gaz MChJ |
| 57 | "Istiqlol Grand" pishiriqlari | 13.05.2024 | YHXG |
| 58 | "Kavboy Pilus" fermer xo'jaligi | 16.05.2024 | YHXG |
| 59 | "Maysagul" Dexqon xo'jaligi | 17.05.2024 | YHXG |
| 60 | "Mirzo Murodbek" MChJ | 18.05.2024 | YHXG |
| 61 | "Neft Gazmineral" Sho'ba korxonasi | 19.05.2024 | YHXG |
| 62 | "Oltin Tomorqa" dexqon xo'jaligig | 20.05.2024 | YHXG |
| 63 | "Paxtaqaynar alternativ mashina" | 22.05.2024 | Paxtaqaynar alternativ mashina |
| 64 | "Qo'qon Alfa Trans" MChJ | 23.05.2024 | Qo'qon Alfa Trans MChJ |
| 65 | "Vodiy shifer savdo" MChJ | 24.05.2024 | Vodiy shifer savdo MChJ |
| 66 | Yakkatut Shifo Servis MChJ | 25.05.2024 | YHXG |
| 67 | "Yangi Xayot" nomli paxta g'alla | 26.05.2024 | YHXG |
| 68 | "Yaypan chorvasi" dexqon xo'jaligi | 27.05.2024 | YHXG |
| 69 | "Zikumaks Savdo" xususiy korxonasi | 29.05.2024 | Zikumaks Savdo xususiy korxonasi |
| 70 | "Akramxo'ja Xoji" KTSIXF | 30.05.2024 | Akramxo'ja Xoji KTSIXF |
| 71 | "Jo'raboy Ota" bog'dorchilik | 31.05.2024 | YHXG |
| 72 | "Konizar Savdo Plast Servis" MChJ | 01.06.2024 | YHXG |
| 73 | "Qorayozbobo fermer" xo'jaligi | 02.06.2024 | Qorayozbobo fermer xo'jaligi |

| | | | |
|----|--|------------|--|
| 74 | "Qudash Muruvat uyi" MEXNAT VA AX.IJT.XIMVAZ | 03.06.2024 | Qudash Muruvat uyi MEXNAT VA AX.IJT.XIMVAZ |
| 75 | "Moxirbek Shoxsanam" dexqon xo'jaligi | 06.06.2024 | YHXG |
| 76 | "Navro'z" kichik xususiy korxonasi | 07.06.2024 | YHXG |
| 77 | "Oqsuv" MChJ | 08.06.2024 | YHXG |
| 78 | "Paxtakor" xususiy korxonasi | 09.06.2024 | Paxtakor xususiy korxonasi |
| 79 | "Risolatxon Buvi" fermer xo'jaligi | 10.06.2024 | Risolatxon Buvi fermer xo'jaligi |
| 80 | "Universal MAN" MChJ | 13.06.2024 | YHXG |
| 81 | "O'rmonobod" nomli paxta g'alla chorva | 14.06.2024 | YHXG |
| 82 | "Usta Otaqo'zi" fermer xo'jaligi | 15.06.2024 | YHXG |
| 83 | "Xojimansur" xususiy korxonasi | 16.06.2024 | YHXG |
| 84 | "Xotamtoy Shifobaxsh Asal" nomli asalarichilik | 17.06.2024 | YHXG |
| 85 | "Yaypan Omuxta Yem" MChJ | 20.06.2024 | Yaypan Omuxta Yem MChJ |

O'zbekiston tuman hokimining
2024-yil 22-yanvardagi
15-11-161-Q/24-son qaroriga
3-ilova

**O'zbekiston tuman hududida 2024 yil mavjud avtomototransport vositalarini majburiy texnik ko'rikdan o'tkazilishi lozim bo'lgan transport vositalari soni haqida
MA'LUMOT**

| № | Yuridik shaxslarga tegishli K O' R S A T K I C H L A R | | Soni |
|-----|---|--------------------------------------|-------|
| 1. | Jami yuridik shaxslarga tegishli avtomobillar | | 1009 |
| 1.1 | | Avtobuslar | 16 |
| | | Mikroavtobuslar | 4 |
| 1.2 | | Engil avtomobillar | 695 |
| | | «Damas» rusumli yengil avtomobillar | 61 |
| 1.3 | Jumladan, | Jami yuk avtomobillari | 233 |
| | Shundan, | Xavfli yuktashuvchi TVlar. Shundan: | 8 |
| | | 1.Gaz tashuvchi | 8 |
| | | 2.Neft maxsul tashuvchi | 34 |
| | | O'ziag'daruvchi (samasval) | 189 |
| | | Boshqa yuk TVlar | 0 |
| | Jami | | |
| 2. | Jami mototransport vositalari | | 13 |
| 3. | Jami tirkamalar | | 28 |
| | Jismoniy shaxslarga tegishli K O' R S A T K I C H L A R | | Soni |
| 1. | Jami jismoniy shaxslarga tegishli avtomobillar | | 19495 |
| 1.1 | Jumladan: | Avtobuslar | 12 |
| | | Mikroavtobuslar | 107 |
| 1.2 | | Engil avtomobillar | 12803 |
| | | «Damas» rusumli yengil avtomobillar | 5019 |
| 1.3 | Shundan, | Jami yuk avtomobillari | 1554 |
| | | Xavfli yuk tashuvchi TVlar. Shundan: | |
| | | 1.Gaz tashuvchi | 4 |
| | | 2.Neft maxsul tashuvchi | 16 |
| | | O'zi ag'daruvchi (samasval) | 755 |
| | Boshqa yuk T Vlar | | |
| 2. | Jami mototransport vositalari | | 258 |
| 3. | Jami tirkamalar | | 442 |

| Ko'rsatkichlar | Avtomoto transport | | | | | |
|----------------------------------|--------------------|-------------------------|---------|-------------------------|----------|-------------------------|
| | | | Yuridik | | Jismoniy | |
| | jami | Ko'rikdan O'tishi lozim | jami | Ko'rikdan O'tishi lozim | jami | Ko'rikdan O'tishi lozim |
| Jami avtomototransport | 21225 | 18376 | 1022 | 596 | 20203 | 17780 |
| Shundan Avtotransport vositalari | 20954 | 12562 | 1009 | 587 | 19753 | 17527 |
| Mototransport vositalari | 271 | 262 | 13 | 9 | 258 | 253 |